

DECRET 080/2017

Carlos Barrera Sánchez, sindic deth Conselh Generau d'Aran, en tot hèr usatge des facultats que me conferís er article 29.4 dera Lei 1/2015, de 5 de hereuèr, deth Regim Especiau d'Aran.

Vist er expedient de licitacion deth contracte privat d'“*Arrendament deth refugi de montanha de Saboredó entara sua gestion e explotacion*”, e cossent damb çò que dispause era clausula vintau deth Plec de clausules administratives particulars que la regissen,

È RESOLVUT:

PRUMÈR.- Constituir un organ d'Experts dera licitacion deth contracte privat d'“*Arrendament deth refugi de montanha de Saboredó entara sua gestion e explotacion*” [num. d'expedient CGA 2016/018/IGB-L (P)], qu'a d'avalorar es envolòpes «C» des aufèrtes presentades pes licitadors cossent damb es critèris era quantificacion des quaus depen d'un judici de valor, damb era següenta composicion:

- Sr. Iñigo Landa Busquets, ena sua condicion de tecnic de torisme deth Conselh Generau d'Aran
- Sr. Òscar Cadiach i Puig, coma persona expèrta en refugis de montanha e emergéncias
- Sr. Ivan Moner Seira, ena sua condicion de tecnic superior en geologia
- Sr. Juan Miguel Riu Madrid, ena sua condicion de Cap deth Grop de Rescat de montanha ena Val d'Aran
- Sra. Núria Perramon Palacios, ena sua condicion de Directora dera Escòla de Tecnic Esportius dera Val d'Aran (ETEVA)

DUSAU.- Ordenar era publicacion d'aguesta resolucion en Perfil deth Contractant deth Conselh Generau d'Aran

TRESAU.- Encargar ar organ d'expèrts era elaboracion der informe corresponent as critèris era quantificacion des quaus depen d'un judici de valor des SÈT aufèrtes presentades ara licitacion nomentada en tèrme de dètz (10) dies a compdar dera recepcion dera documentacion de besonh, ar efècte de convocar era Mesa de Contractacion e procedir ara avaloracion des critèris avaluables mejançant formules e lhear prepausa d'adjudicacion ar organ de contractacion.

QUATAU.- Avertir as interessadi qu'aguesta Resolucion agòte era via administrativa. Contra aquesta se poderà interposar **recors contenciós administratiu**, en tèrme de dus (2) mesi a compdar de londeman dera recepcion dera notificacion d'aguesta resolucion, cossent damb er art. 46 dera Lei 29/1998,

de 13 de junhsèga, Reguladora dera Jurisdicción Contenciosa Administrativa, o ben, potestativament, **recors de reposicion** davant der organ qu'a dictat aquest acte, en tèrme d'un (1) mes a compdar de londeman d'auer-ne recebut era notificacion, cossent damb çò que preven es art. 123.1 e 124.1 dera Lei 39/2015, d'1 d'octobre, de Procediment Administratiu Comun des Administracions Publiques.


Se s'opte per interpausar eth recors potestatiu de reposicion non se poderà interposar recors contenciós administratiu enquia qu'eth primèr sigue resolut exprèssament o se n'age producit era desestimacion per silenci; tot açò, sens perjudici que se pogue interposar quinsevolh aute recors que s'estime mès convenient ath pròpri dret.

Vielha, 6 de març de 2017



Carlos Barrera Sánchez
SINDIC D'ARAN

Dauant mèn



David Montalà i Palau
SECRETARI GENERAU